



*Abfalom veut regner au lieu de Dauid son pere, qui est contraint de fuyr.
Chusai rompt le conseil d'Achitophel, qui se pendit de despit.*

PAR le conseil d'Achitophel, Abfalom voulut vsurper l'Estat de Dauid son pere, il attiroit le peuple de son party par feintes caresses, où sa grande beauté & bonne grace seruoit beaucoup ; en sorte que Dauid avec ses domestiques, fut contraint de fuyr de Ierusalem, pour chercher lieu de seureté. Or Dauid renuoya Chusai qui le suiuoit vers Abfalom, pour rompre le conseil d'Achitophel : Lequel neantmoins persuada à Abfalom d'abuser des concubines de son pere : outre ce, luy conseilla de courir de vitesse sur les forces de son pere Dauid, ce que Chusai empescha & conseilla au contraire, remontrant au susdit Abfalom l'autorité du Roy son pere, faisant par sous-main aduertir Dauid de l'entreprise, & qu'il passast le Iordain soudainement, ce qu'il fist & se sauua. Alors Achitophel voyant son conseil estre reprouué, se retira en sa maison, où de despit il se pendit. Et Abfalom donna la charge de l'armée à Amasa au lieu de Ioab, qui mist son siege en la terre de Galaad. Et quand Dauid fut venu au lieu des armées, ceux du país luy offrirent toutes choses necessaires pour son peuple, qui pressé de faim & de soif au desert, fut par eux rassasié.